

COMUNU DE USEDDUS

Provìntzia de Aristanis

DELÌBERA DE SU CONSILLU COMUNALI

NUMERU 6 DE SU 14/03/2007

OGETU : Diretivas po su fai parti a su Progetu Action: "Tour animation training courses for distant underdeveloped region".

S'annu duamilaseti sa dì catòdixi de su mesi de martzu a s'ora de is ses de merì, in custa Sedi Comunali, s'est atobiau a pari su Consillu Comunali, cunvocau po lei, in sessioni straordinaria in prima convocazioni in setzida pùblica, cun sa presentzia de is Sannoris Consilleris tocaus a custu Comunu e in càrriga:

ATZEI ADRIANO	P	PISU ELSA	A
SERRA MONICA	P	ORRU' LUCIA	A
ERBÌ CESARE	P	PISU GIANCARLO	P
ATZORI FELICE	P	ECCA ANDREA	A
ADDARI GIOVANNI	P	SERRA BRUNO	P
FLORIS GIULIO CESARE	P	SANNA ELIODORO	P
MINNEI IGNAZIA	P		

Inde risultant presentis n°10 e ausentis n°3

Pigat sa presidèntzia s'Abog. ATZEI ADRIANO in calidadi de SÌNDIGU.

Partecipat cun funtzionis consultivas, referentis, de assistentzia e verbalizatzioni (art. 97, comma 4, de su D.Lgs. n° 267/2000) sa Segretària SCALAS Dott.ssa MARIA BONARIA.

Su presidenti, atzertau su numeru legali, de crarat aberta sa chistioni de s'argomentu in ogetu, regulàrmenti iscritu in s'ordini de sa dì, e invitat is benius a pari a deliberai sa chistioni asuba ingitada, ponendi innantis ca, asuba sa proposta de custa declaratzioni anti nau ca giai:

su Responsàbili de su serbìtziu interessau (art. 49, c.1, de su T.U. n°267/2000)

sa Segretària Comunali (artt.49, c.2 e 97, c.4b, de su T.U. n°267/2000) po sa regularidadi tècnica.

SU PRESIDENTI

Comunicat a s'Assemblea ca sa Sotziedadi Esode srl de Casteddu at aparau cun nota aclarada a sa prisia de custu Enti in di 06/03/2007, unu cumbidu a sa manifestatzioni de interessi dae parti de su Comunu de Useddus a su progetu nomanau "*Action Tours: Tourism Animation Training Courses for Distant Underdeveloped Region*"

Comunicat ca tali progetu est unu progetu de baloritzazioni e isvilupu turisticu deretu a piticas areas "disvantagiadas" dae su puntu geograficu in cantu atesu dae is tzentrus urbanus mannus ma cun potenzialidadis mannas de isvilupu in custu setori, coofinantziau dae sa Comunitadi Europea;

in su fai biri is iscopus de tali progetu e is arrecidoris de su matessi, ispetzificat ca:

• Totus is ispesas de isvilupu de su progetu funt totus a càrrigu de is *partners*;

• Su Comunu

1. at a depi traballai in pari a Esode srl po mesu de unu referenti po donai ingitus chi serbint a su sboddiamentu de is cursus asuba sa basi de is bisongius de sa realtadi locali;
2. at a depi poni a dispositzioni localis (chi tengiant elaboradoris e s'intrada a *internet*) innui si ant a teni is cursus;
3. at a teni totu sa autonomia in su scioberu de cussus chi ant a sighiri is cursus, po is calis no est prividiu nixiunu rimborsu ispesas e indennidadi economica;
4. at a podi usai debadas su materialis produxiu po sa formatzioni in campu turisticu.

Invitat duncas a sa Assemblea a nai su chi pensat asuba su fai parti a custu progetu.

SU CONSILLU COMUNALI

INTENDIA sa relata de su Presidenti;

PIGAU ATU ca sa bidea de su progetu *Action Tour* est sa criatzioni de classis de orientamentu professionali deretas a sa formatzioni ispetzializada in campu turisticu e est deretu siat a is picicocus chena traballu siat a cussus chi tenint interessu a cuminzai una atividadi turistica, siat a ispertus de su setori chi olint donai su propriu agiudu in sa formatzioni de genti calificada;

CUNSIDERAU ca nixiunu incàrrigu economicu at a essi asuba is palas de custa Amministratzioni chi non cussas chi indi arribant dae su usu de is localis e ainas (elaboradori e s'intrada a *internet*);

CRETIU ca su fai parti a custu progetu donit una oportunitadi po is picicocus non sceti de custu Comunu ma puru de is Comunos bixinus, in sa otica de sa baloritzazioni a iscopus turisticus de custu territoriu a sa luxi de is programmas e inghitziativas potaus a innantis in custus ultimus annus dae custu enti e ca at biu sa renescia de operas importantis cumentu po esempliu cussas postas a intru de su progetu Catedralis de Sardigna;

Cun votazioni fata de totus in pari

DELÌBERAT

DE ammostai, po su chi est steti nau adesegus, su propriu interessu a sa partetzipatzioni a su progetu nomanau “*Action Tour: Tourism Animation Training Courses for Distant Underdeveloped Region*” chi at essi aparau po indi teni su cofinanziamentu a sa Comunità Europea dae sa Sotziedadi Esode srl de Casteddu e chi bit cumenti a *parters* is sotziedadis de is Istadus de sa Bulgaria, Germania, Ispagna, Romania ingitadas in sa nota chi si alligat a sa presenti po indi fai parti intera e sustantziali;

DE istabiliri ca po fai parti a tali progetu tocat a rispetai is conditzionis chi ddui funt in cussu nau adesegus e in sa nota asusu remonada;

DE donai atu ca nixiunu incàrrigu economicu at a essi asuba is palas de sa Amministratzioni chi non cussas chi indi arribant dae su usu de is localis e ainas (elaboradori e s'intrada a *internet*);

DE donai mandau a su sindigu e a sa giunta comunali, ognunu po is proprias cumpetènzias, po pigai in possa insoru autus chi iant podi serbiri po sighiri sa pratiga.

BIU S'ACUITU, cun votatzioni fata a parti, totus in pari, benit decrarada sa presenti luegu eseguibili segundu s'art.134, c.4 de su D.Lgs 18/08/2000 n°267;

Custu Verbali benit firmau cumentu sighit:

Su Sìndigu at firmau
(*Abog.ATZEI ADRIANO*)

Sa Segretària at firmau
(*SCALAS Dott.ssa MARIA BONARIA*)

Su sutoscritu, bius is atus d'ufitziu
Reg.n°131

ATESTAT

Ca custa delibera est stetia apicada a s'Albu Pretoriu Comunali sa dì 19/03 de su 2007 po ddui abarrai quindixi diis a fatu e pari (art.124, c1 de su T.U. 18/08/2000, n°267)

De sa Residèntzia Comunali,innia 19/03//2007

Sa Segretària Comunali at firmau
(*SCALAS Dott.ssa MARIA BONARIA*)

Su sotoscritu, bius is atus d'Ufitziu

ATESTAT

Custa delibera est diventata esecutiva su..... segundu s'art.....
De su T.U. 267/2000

De sa Residèntzia comunali, innia

Sa Segretària Comunali at firmau
(*SCALAS Dott.ssa MARIA BONARIA*)

De potai a:

- s'Ufitziu Tènicu
- s'Ufitziu Amministrativu
- s'Ufitziu Cuntabili
- s'Ufitziu Vigilanza
- s'Ufitziu Serbìtziu Sotziali
-
-
- R.A.S.

De sa Residèntzia comunali, innia

Sa Segretària Comunali at firmau
(*SCALAS Dott.ssa MARIA BONARIA*)